

ادبیات عمومیہ مجموعہ سی

سنہ : ۱ ہفتہ لوق سیاسی ، ادبی و علمی غزتہ در . نومرو : ۲

سیاسیات

پارس و برلین معاہدہ لرینک حق الفاسی

مترینک تالہ برانلہ قارشیلاشدینی ویانہ مؤتمرندن بری ، آوروپا سیاستندہ مؤثر یکانہ اولان شرق مسئلہ سنک ، منظومات دولیہ تشکلاننہ وارنجہیہ قدر اساس اولدیغنی تاریخ سیاسی متعارفہ حالنہ کتیرمشدر : دونکی اتفاق مثلثہ بوکونکی ائتلافک اصلی ، دوغروندن دوغرویہ (۹۲) میدان حربنک کونلرندن ظہورایتمشدی . برلین اجتماعندہ تیلر ایدن منافع متبارزہ ، یکدیگریہ دشمن ایکی ہیئت تولید ایتمک صورتیہ ، شرق مسئلہ سنہ ایتنا ایدن برغرب مسئلہ سی وجودہ کتیریوردی ! بو صورتلہ ، حکومتتمزمشکل برانزوایہ محکوم اولمشدی : اوزماندن بری آوروپا ایلہ ، تک باشنہ ، قارشیی قارشییہ قالمش ، و آنجق طرفینک اختلافی اوزرینہ تأمین سیاست ایدہ بیلمشدی !

مملکتینک ایلک خیاتی سایہ سنندہ آیاستفانوسہ قدر کلوب سعد اللہ پاشایہ مطالبنی تقریر ایدن موسقوفک درت آی دوام ایدہ بیلن موفقیتی ، انکلترہ نک ضربہ رقابتنہ اوغرادندن سوکرہ ، بالقانلردہ یاپیلان تعدیلات ، برلین قونفرہ سنندن دوغمش بر آوروپا لطف کارانی طرزندہ قارشیلانمشدی : فی الحقیقہ مملکتین ایلہ صربیہ و قرہ طاغک استقلالی ، و [بولغارستان] عنوان ظاہر بیلہ روم ایلی بی ایکی یہ تقسیم ایدوب ، چارک تحکمی آلتندہ ، آزاد اولورکن اسیر اولان بر حکومت غیر ملیہ نک تشکلی ، آوروپادہ صوک بالقان محاربہ سنہ قدر دوام ایدہ بیلن وضعیت ملکیتہ مزالہ یلک نظرده قابل قیاس اولاماز . آیاستفانوس معاہدہ نامہ سی آووچمزدہ سلانیک شبہ جزیرہ سیلہ برلین مقرر اتندن اوج سنہ سوکرہ یونانہ الحاق ایدیلن تسالیایی ، اپیری ، آرنائوودلق و بوسنہ - ہر سکی بر اقدینی حالده ، بولغارستان نامنہ آلدینی اراضیہ مملکتی نقطہ اتصالی اولمایان ایکی پارچہ یہ افراغ ایدیوردی : برلین مؤتمریسہ ، موسقوفلرک پک عجمی بر آللہ چیزدیکی بو جغرافیہ مسودہ سنی تصحیح ایدرک بزہ یکپارہ بر روم ایلی بر اتمشدی . فقط غورچاقوفک آلدینی بوخریطہ درسندن ، ترکیہ ، مساحہ اعتباریلہ دکل ، سادہ شکل اعتباریلہ بر استفادہ ارضیہ تأمین ایدہ بیلدیکی حالده ، سیاسی و معنوی هیچ بر فائدہ قازاناماشدی . بو تصحیح اک زیادہ

محکمہ تاریخ حضورندہ رومانی

موجودیت سیاسیہ سنی اور وپایہ و علی الخصوص دول مرکزیہ یہ مدیون اولان بوکونکی رومانیانک بو حرب عمومیده ارتکاب ایتدیکی اهانت برنجی دکادر . شو قدرکه ، اونی حفره اضمحلاله طوغری سوروکلین بوصول حرکت ردیثه سی ، سیاست قدیمه سی ایله برچوق نقاط نظر دن علاقهدار اولدیغدن ، ماضییه قاریشان صفحات سیاسیہ حیاتی تدقیق اتمک لازمدرکه بتون شناخت وفجاعتیه تظاهر ایدہ بیلسون :

قدیم افلاق وبغدان بکلکری ، دولت علیه عثمانیه نك تحت تابعیتده بولمقده برابر دیگر آیالات عثمانیه دن بک فرقی ویا لکنز ویرکو علاقہ سیله مربوط ایدی . بکلکر ، تمامیه تشکیلات اجتماعیه و سیاسیہ لرینی محافظه ایتمشورورشته تابعیتلری کیلنجهیه قدر ، هوسپودارلری معرفتیه اداره ایدیله کلمشردر . فقط ۱۷۷۴ سنه سندن اعتباراً ممالک عثمانیه ده « خرستیانلرک حامیسی » عنوانی طاقان خصمزر روسیه نك القات مفسد تکارانه سنه هر وقت مطلع اولان باب عالی ، مملکتینده متیقظ داورانیور . چارایله مناسبانده بولنان یزلی هوسپودازلره امنیت ایتیه رک اوحوالییه یبانهی اولان خرستیانلردن وا کثرتله فنارلی روم اعیانندن هوسپودار تعینته وانلری ده از زمان موقع مأموریتده طومغه دقت ایدیوردی . دولت علیه ایله ظهور ایدن محارباتک همان کافه سنده ، روسیه نك سیاستی ، بکلکری اشغال واورالده اداره موقته تأسیس اتمک وروس نفوذنی تأیید ایچون ، پاره ایله ، روس اصلته مخصوص برچوق تزویرات وتسویلات ایله خلقی روس ذهنیتنه جاب ایلک ایدی . اونک ایچوندرکه هوسپودارلر ایچنده ایکی درلو اویون اوینایه رق ، دولت علیه فارشو « بنده صادق » نقابی آلتنده روس روبه لریله کیسه بریا کارانه سنی طولدیرانلرا کیسک دکل ایدی .

فقط مملکتین خلقی ، اساساً حال ابتدائی وبدویدہ بولندیغی ایچون ، پرنسارک ، امرارک دسائس منفعتپرستانہ سندن تمامیلہ بی خبر واورتودوقس راہلرینک نفوذ افسونکاریلرینہ کرداندادہ اتقیاد اولہرق ، قویون سورسی کی ظلام جہل ایچندہ انجق روس مشعلہ لزیلہ تنور ایتک ممکن اولہ جغنه قناعت کاملہ کتیر مشدی . تابع ایلہ متبوع ارہ سندنہ کی روابط اودر جہ ضعیف ایدی کہ باب عالی ، ۱۸۲۹ سنہ سندنہ اورالردہ قلعه انشا وعسکر اقامہ ایتدیرمک حقندن فراغت ایتمش وبکلکار اوزرندہ کی حق حکمرانیسی ویرکو آلمغہ ومملکتینک دول اجنیہ تزدندہ آریجہ مأمورین سیاسیہ بولندیرملرینہ مانع اولمق کیفیانتہ حضر ایلش ایدی . بو ترتیباتک جملہ سی روسیہ لہنہ اولہرق اجرا ایدیلیوروزوس دیپلوماتلری مکافات تزویرلری اولمق اوزرہ (چارلر) دولتہ ؛ مملکتیندن بغدادک بسارایا قطعہ سنی وطونہ نک صول طرفنی الحاق ایتدیرمکہ موفق اولیورلر ایدی . بو ہنکامہ لردہ ، کویلیلردن عبارت اولان مملکتین خلقی ، پک ابتدائی برحیات کچیریور ، ۱۸۳۵ تاریخندہ افلاقی زیارت ایتمش اولان مشهورمولتکہ نک قولہ کورہ اورالردہ « نہ کوپری یہ ، نہ دکرمنہ ، نہ خانہ ، نہ باغچہ یہ حتی نہ کویہ تصادف اولنیور واوتہ دہ بریدہ کورنمز برحالدہ بولنان کویلر آلچاق قولہ لردن عبارت بولنیور ایدی . » مملکتینک بو حالی روسیہ یہ پک موافق ایدی . چونکہ « مقدس روسیہ چاری » مملکتیننی پک قولای بلع ایتکہ حاضر لانیوردی . فقط پارس قونغرہ سی ، بو آمال مفترسانہ یہ برمانعہ تشکیل ایتدی : مملکتینک ادارہ داخلہ سنہ مختاریت وحقی استقلال ویرمکہ دعوت ایدیلن باب عالی ، بو صورتہ روسیہ نک حمایہ انحصاریہ سنہ دول سائرہ پی تشریک ایتمش اولدی . ناپولئونک اثر صحابی اولمق اوزرہ مملکتین ملت مجلسلری طرفندن ۱۸۵۹ سنہ سندنہ انتخاب اولنان بغداد اصیلزادکانندن (قوزا Kouza) ، « برنجی الکساندر » عنوانیلہ باب عالی جانبندن قید حیات شرطیلہ ۱۸۶۱ سنہ سندنہ « رومانیا پرنسی ، اولہرق تصدیق اولندی . مملکتینک ایکی ملت مجلسی برلشہرک ۱۸۶۲ سنہ سندنہ بکرشدہ عقد اجتماع ایتدی . بو حادثہ ، اورتہ یہ

تیم مستقل بررومانیا حکومتی ایلاذ ایلمشدی . ناپونیون ایله روسیه چارینک سیاستلری اثری اولان بوبوزاد ، پرنس آلکساندرک شخصیتیه ، طریق مشروطیتدن انحراف ایدهرک ، (ایکی ضد قطبیدن اخذ قوت ایتدیکی اچون) برچوق کیفی معاملاتہ جرأت صورتیه عجمیلکنی کوستردی (۱۸۶۵) . نه غریب برجلوه درکه ، حرب عمومیدن اول سیاست عالمه فرمانفرما اوله جق مرتبه یه کلدکرینه ایمان کامل ایله معتقد اولان رومانیا پولتیقه جیلری ، ۱۸۶۶ سنه سنده پرنس الکساندری یتاق اوپه سنده آنسزین باصدیره رق ترک حکومته اجبار وبر حکومت موقته تشکیل ایذن اک کزیده وطنداشدرینک «رومانیا لیلر مملکتک بررومانیالی پرنس طرفندن اداره اولنه میه جغه » دائرمتفقاً ویردکری قراری اونوده رق ، انواع حرکات ومعاملات مسکینانه ایله ماهیت حقیقه لرینی کوسترمک وعاقبت ، پاره نك سحار قوتیه سوقاق پولتیقه جیلغه قدر دوشمک کی اذعانسز لقلرده بولندیلر . بوندن اکلایورزکه رومانیا طوپراغنده سیاست ، درایت وعقل وکیاست نشوونما بوله میوروسفلیاته متدائر نه وارایسه رواجیاب اولیور ایمش !

پرنس الکساندرک ترک حکومت ایتسی اوزرینه (هوهنزولرن) خاندانک قنولیک شعبه سی ارکانندن برالمان پرنسی ، رومانیا عنان حکومتی ۱۸۶۶ سنه سنده یداداره سنه الیور . ایشته کانون فساد ، بتون شدتیه ، روسیه نك تشویقی اثری اوله رق پرنسک اصلاحات پروگرامنه قارشو قویپور ورئیسنک بومبا قورقوسنیدن وقوع وفاتی اوزرینه اخیراً یرینه کچن تا که یونسقونک مذسوب اولدیغی (محافظه کاران) فرقه سی ، ۱۸۶۶ تاریخده دخی روسیه دلالتنی درعهده ایتمکدن چکنمیور . فقط پرنس برنجی قارول ، (فرقه احرار) رئیس اولان «رومانیا بسمارقی» لقبی آلمش اولان «ژان براتیانو» نك [لاحق رومانیا رئیس نظاری براتیانونک پدریدر] مهارت وکیاستنه استناد ایدهرک مملکتی سیاست عسکریه وخارجیه نقطه نظرندن یوکسستمکه وحکومتی آلمانیا وآوستریا پواتیفه سنه یاقلاشدیرمغه چالیشیوردی . بونک اچوندرکه فرقه لر اختلافاتی ، روسیه نك تسویلات ایله ، شوری امت حیاتی پک هیجان و بحرانی برحاله قویپوردی .

روسیه طرفدارلنی وعلیهدارلنی ارسنده چالقانان ملت و حکومت متبوع سباقی اولان دولت علیه قارشلی اهانت طریقنی طوتهرق روسیه محاربه متقدمه سنده خصم مزله اتفاق ایتدیکنی ده کوردک . فقط دولت علیه خصم اوله رق محاربه یه اشتراک ایدن رومانیایا ، تمامی ملکیتی محافظه ایتک و عدینی ویرمکدن چکنمیان روس دیپلوماتلرینک قربان اغفالی اوله رق جزای خیانتنی بولدی : کندینی غالب موقعنده عد ایدن روسیه ، دولت علیه ایله حین مصالحه ده ، طونه نك صول ساحلنی اله ایتک ایچون محتاح اولدیغی (بسارابینا) قلمعه سنی رومانیان غصب ایتدی رومانیانک براین قونغر سنده آوازه شکایتی کرچه مسموع اولدیسه ده ، شمعی مظفر اردولر مرکز فتح ایتدیکی (دوبریجه) قطعه سی جسم وطن عثمانیدن تفریق و رومانیایه هدیه ایلدی . ۱۸۷۸ سنه سی رومانیانک استقلال تامنه رأس تاریخدر . دولت علیه - بلا تفریق مذهب بتون تبعه یه مساوات حقوق ویرمک شرطیه - بو استقلال تصدیق ایدیور ، برمدت صکره ۱۸۸۱ سنه سنده پرنس قارول « رومانیای قرالی » عنوانه نائل اولیوردی .

۱۸۷۶ سنه سندن ۱۸۸۸ سنه قدر قارولک موقع اقتدارده طومغه موفق اولدیغی فرقه اصرار ، مملکتی برسیاست مستقیمه یه مظهر ایتک صورتیه پک چوق منافع تأمین ایتمش واجتماعیات واقتصادیاتی یوکسکتمشدر . قرال ، ژان براتیانونک کیاستنه اتکا و دول مرکزیه ایله رومانیاییننده بر مقارنت حصولنی ۱۸۸۳ تاریخنده رومانیایایله اوستریا و مجارستان حکومتی بیننده بر اتفاق معاهده سی عقدینی تأمین ایله مشدر . بو معاهده ، اوستریایایله المانیای ارسنده منعقد اتفاق معاهده سی اساسنه توفیقاً تنظیم ایدلمش اولدیغندن المانیای دولتی وبالآخره ۱۸۸۸ سنه سنده ایتالیا طرفدن دخی قبول و تصدیق ایدلمشدر .

قرال قارولک وفاتنه قدر رومانیای حکومتیجه تعقیب ایدیلن سیاست - روس انتریکه لرینه رغماً - رسته اتفاقک تأییدی بولنده جریان ایدیور ایدی . حرب عمومیده بر موجب معاهده رومانیای حکومتی اوستریا و المانیایایله برلکده

حرکت تشویق اتمکدن بر آن خالی قالمیان قارولک وفاتیه برابر ، ایشلر دکشدی. رومانیاء، ائتلافک احتراصات زدیئه سنه بر جولانگاه، بر محیط مساعد حالی آلدی ، روبه ، استرهلین یغینلری پواتیقه جیلرک کوزلرینی قاشدیرمغه باشلایور ، ملت و حکومتی، اتفاقک ایجاب ایتدیکی وضع و حرکتی و اختیاردن منع ایدیوردی . بدایت حربدن بری رومانیاء ، بوسوائقه بناء عاقیدیندن بری حقتده مضراوله جق هر نوع ائتلاف و تعهدک قبولنی منع ایدن اتفاق معاهده سنک احکامنه مخالفت ایدرک ائتلاف دولنلریله « تعاطی افکار » باشلایور و نهایت یکی قرال فردیناند دخی صوک دقیقهیه قدر بی طرفلق پردهسی آرقه سنده صاقلاندرق ائتلافک دام اغفاله دوشیور . واقعا سیاستده مروت اوله ماز . شو قدرکه اهانت و خیانت بودرجه بی بولورسه پک مستکره اولور . ایتالیا ، اوستریایه اعلان حرب اتمه دن اول ، هیچ اولمازسه اوتوز اوچ سنه دنبری اونی ایمپراطور فرانسوا ژوزف حضرتلرینک حکومتنه ربط ایدن بر معاهده اتفاقیه احکامنی فسخ ایدرک اسباب تحریشنی مقتضای مصلحتدن عد ایش ایدی . فرانسه مجلس مبعوثانی رئیس ده شانهلک « بنالت نسلیه » سنی ادعا ایتدیکی رومانیایسه ، ایتالیا قدر اولسون ، بو دقیقهیه اهمیت ویرمیه رک اوستریایه قارشو حال حربده بولدیغنی بیان ایله اکتفا ایتدی . اعلان حربدن اول جریان ایدن احوال ، ده شانهلک رومانیاء حقتده کی فکرنده نه قدر مخطی اولدیغنی پک کوزل اثبات اتمکده در ۲۶ اغستوس ۱۹۱۶ ده قرال فردیناندک حضورنده انعقاد ایدن مجلسی فوق العاده بی متعاقب ، رئیس نظار براتیانو اوستریا سفیری قونت چرینته رسماً « رومانیانک بی طرفلغنی ادامه یه هم آرزو کش و هم مقتدرم » دیدکدن برکون صکره یعنی ۲۷ اغستوس ۱۹۱۶ تاریخده اقسام ساعت طقوزده رومانیاء سفیری طرفندن اوستریا و مجارستان خارجیه نظارتنه عینی تاریخی رومانیاء خارجیه ناظرینک امضاسنی حاوی اعلان حرب بوطه سنی تودیع ایدیلیور !

رومانیانک سیاست قدیمه سیله برضد کامل تشکیل ایدن بو حرکت ، غریبدرکه دول مرکزیه طرفدارلغیه معروف اولان و روسیه بی رومانیاء ایچون بردشمن

بی انصاف عد ایتمش اولان تا کہ یونسقو واتباعی کی پولتیقہ جیبردن صادر اولدی . بونلرک تبدیل افکار ایتملرینی نہ کی سہ اقلرہ حمل ایتمک لازمدر ہر عالم سیاستدہ عینی اسلحہ ردائتلہ موفقیتلر تأمین ایتمدکاری تاریخ نظرندہ ثابت اولان ائتلاف دیپلوماتلریلہ شرکای فعالیتلری ، رومانیا قابینہ سی ارکان حاضرہ سنجہ بوجہت مجھول اولمشہ کر کدر . بکپرش سیاسیلرینک اک یایغرہ جی سرداری تا کہ یونسقو جنابلرندہ بسبتون آیری ایکی شخصیت مند مجدر : بوکون روسیہ بی وسائر رفقای دسائسینی « مستخلص » عد ایتمدیکنی اعلاندن چکنمین جسور سیاسی ، ۱۸۹۱ سنہ سندہ « رومانیا نیک سیاست خارجیہ سی » عنوانیلہ نشر ایتمدیکی بر اثرندہ روسیہ نیک انسانیتہ نہ مدھش بر بلا اولدیغنی بیان ایدیور . و « شاید برکون روسیہ ، غایہ امل وخط سیاسی حرکتی اولان بوغازلر حاکمیتتہ نائل اولور ایسہ ، یولی اوزرندہ بولتان رومانیا بی بلا رحم خریطہ عالمدن سیلہ جکدر . اورتودوقساق وپانسلاویرم سیاستی ، آنجق روسیہ نیک بسلہ دیکی جهانکیرک مقاصدینی اورتمک ایچوندرو . « پانسلاویرم ، روس استیلاسی معناسنی تضمن ایدر . » مطالعاتیلہ رومانیا نیک سیاست مستقبلہ سنہ دائر بر پروگرام چیزییور . بسارایانک غضبندن طولایی کتابندہ آہ وانینلر صاووران ، اورایی استرداد ایچون برچوق ترتیلر ، وتدیرلر دوشونن بو یونسقو وشمیدیکی روس متعبدی ، ماکیا وہلک اثرینہ اقتضا ایدیور ! قہار ضربہ لرایلہ رومانیا نیک موجودیتتہ خاتمہ چککجک اولان مظفر اردولرمن ، بواہانتہ قارشسو نصل عبرت آمیز درسلر ویریورسہ ، انسال آتیہ دخی بو مملکت رجالہ نفرت ولعتلر یاغدیرہ جق و رسمی رومانیا ، دیوان تاریخ عالمہ یوز قارہ سیلہ چیقہ جقدر .

دعوی وکیلی کریدی

احمد ساقی